

14 DEC 1998

DR MAHATHIR BERLEPAS KE HANOI UNTUK SIDANG KEMUNCAK ASEAN

KUALA LUMPUR, 14 Dis (Bernama) -- Perdana Menteri Datuk Seri Dr Mahathir Mohamad berlepas ke Hanoi pagi ini untuk menghadiri sidang kemuncak Asean keenam.

Sidang kemuncak itu berlangsung selama dua hari bermula esok.

Perdana Menteri diiringi oleh isterinya Datin Seri Dr Siti Hasmah Mohd Ali, Menteri Luar Datuk Seri Abdullah Ahmad Badawi dan Menteri Perdagangan Antarabangsa dan Industri Datuk Seri Rafidah Aziz.

Ketua kerajaan dan ketua negara Asean dijangka menandatangani Deklarasi Hanoi 1998 dan menerima pakai Pelan Tindakan Hanoi.

Yang turut berada di Lapangan Terbang Sultan Abdul Aziz Shah, Subang untuk mengucapkan selamat jalan ialah Menteri Pendidikan Datuk Seri Najib Tun Razak, Menteri Kewangan Kedua Datuk Mustapa Mohamed, Menteri Perdagangan Dalam Negeri dan Hal Ehwal Pengguna Datuk Seri Megat Junid Megat Ayob, dan Menteri di Jabatan Perdana Menteri Datuk Dr Abdul Hamid Othman.

-- BERNAMA

MOK RI